



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Strauch, Johann

Jenae, 1675

Cap. V. Ad cap. 4.X. de Consuetudine.

urn:nbn:de:hbz:466:1-10224

præsenti delatâ glebâ fundi ad Prætorem, & in eâ tanquam in toto fundo vindicatio fiebat. Gellius *lib. 20. c. 9.* Denique moribus Germanorum donatio etiam per alia sÿmbola facta fuisse legitur, ut gladii, galeæ, cornu, crateris, calcaris, strigilis, arcus, sagittæ, chirothecæ, teste Ingulpho *in Chronico Croilandensi*, de quâ re forsan alibi pluribus.

CAP. V.

Ad cap. 4. X. de Consuetudine.

S U M M A R I A.

- | | |
|--|--|
| 1. Balduinus, Comes Flandria, & Thomas Maurocenus Patriar. CPol. | 3. Chorepiscopis non licet confirmare. |
| 2. Interdicitur Presbyteris confirmatio. | 4. Aliter servatum in Alexandria & ipsâ Ægypto, ut & Hispaniâ. |

Cum Constantinopolis à Francis & Venetis capta esset, Balduinus Comes Flandriæ, unus ex comitibus expeditionis, & Thomas Maurocenus Venetus electus est Patriarcha CPolitanus. Hac occasione ab Innocentio III. CPolin missus est Lucius Presbyter Cardinalis, Legatus Apostolicæ sedis ad componendas res imperii & retinendos Græcos in obsequio & unione Ecclesiæ Romanæ, ad quam modò reverterant. Inter hæc quia acceperat Pontifex simplices sibi presbyteros arrogare, ut sacramentum confirmationis & alia quæ pertinebant ad Episcopos conferrent, solâ consuetudine se defendentes mandavit Pontifex Legato, in illis partibus existenti, ut interdiceret Presbyteris confirmationis sacramentum posthac conferre, quod per chrisma-tis unctionem in fronte, & manus impositionem confertur à solis Episcopis. *can. bis. can. manus. de consecr. dist. 5.* Ita ut non liceat Chorepiscopis confirmare, *c. quamvis. dist. 68.* Hac ratione vetuerunt Innocentius I. in Epist. ad Decentium & Gregorius I. ad Januarium Calaritanum *can. Presbyteris. can. Presbyteri de consecr. dist. 4.* Vide Gregorium I. *lib. 3. Epist. 26.* ad Januarium Calaritanum, quam Gratianus inseruit *can. pervenit. dist. 95.* Aliter tamen

vatum in A. 78

Amenitarum Juris Canonici

Alexandriâ servatum est in Alexandrinâ & aliis totius Ægypti Ecclesiis. Am-
Uipsâ Ægy- brosius in *Epist. ad Ephesios*: *Apud Ægyptum*, inquit, *Presbyteri*
pto, ut S *consignant, si Episcopus non est.* Apud Hispanos eundem esse usum
Hispaniâ. suggerit Martinus Bracarensis *can. 52.*

CAP. VI.

Ad cap. 5. X. de Consuet.

S U M M A R I A.

- | | |
|--|---|
| 1. <i>Cenoman.</i> | 4. <i>Monachi S. Petri de cultura.</i> |
| 2. <i>Bellonius. Ejus libri observationum.</i> | 5. <i>Interdicto durante non pulsantur campanæ.</i> |
| 3. <i>Hypothesis capituli.</i> | |

Cenoman.

EXstat hoc cap. in c. 4. eod. tit. *Collectione 3.* ad Decanum & Capitulum Cenomanense. Cenomani Plinio & Ptolomæo Galliæ Lugdunensis Populi. Cenomanum, hodie, *Le Mans* Urbs Episcopalis ad Sartam amnem, sub Archiepiscopo Tu-

Bellonius. Ejus libri observationum.

Hypothesis capituli.

ronensi. Fuit patria P. Bellonii, Medici, qui anno 1546. regnante Francisco I. Gallias, peregrinationem per Græciam, Asiam, Ægyptum, Judæam, Arabiam aliasque provincias orientales susceperat & memorabilia per iter observata tribus libris observationum consignavit. Hæc Ecclesia civitatem interdicto innodaverat, ob excessum, ut ex integrâ decretali videre est, secularis potestatis. Nimirum comprehenderat quidam Helias de Flechiâ Episcopum Cenomanensem & in carcere vinctum retinuit, propter hanc causam Capitulum Cenomanense civitatem interdicto subjecit. Ordericus Vitalis *lib. 8. hist. Eccles. ad ann. 1090.* Inde ortalis inter Decanum & capitulum Cenomanense, & Monachos

Monachi S. Petri de cultura.

Interdicto durante non pulsantur campanæ.

S. Petri de cultura, ordinis Benedictini, in suburbio Cenomanensi, de quo in *c. Venerabili. Infr. de Censib.* quod Monachi non servarent interdictum generale, ab Episcopo Cenomanensi emissum, pulsatis campanis & apertis januis. Re perlatâ ad Pontificem, Procurator monasterii S. Petri tuebatur se coram eo, oppositâ duplici exceptione, quarum alterâ erat consuetudo monasterii, etiam in generali edicto pulsandi campanas & aperiendi januas.

CAP.